

2. K.
302
9

II n
3492

Warhaffter vnd be-
stendiger bericht von dem Christli-
chen ende / vnd seligem abschiede aus diesem
vergenglichem leben auff Erden / des Noch-
wirdigsten Herrn / Herrn Hermans
Ertzbischoffen zu Cölln vnd Chur-
fürsten / etc. Anno 1552 den
15. Augusti / des morgens
vmb die Neundte
stunde.



Durch mich Johan Alstorffen
verkündiger des worts Gottes zu
Wied / kurtzlich begriffen.




BIBLIOTHECA
PONICKAVIANA



Handwritten text, likely bleed-through from the reverse side of the page.

Handwritten text, likely bleed-through from the reverse side of the page.

Handwritten text, likely bleed-through from the reverse side of the page.



ROYAL LIBRARY
HARVARD UNIVERSITY





Dieftlich ist sein Churfürs-
ten gnaden ein lange zeit an ei-
nem bein frantz vnd vnuermög-
lich gewesen / vnd haben ir Chur-
fürsten gnadē darzu etliche Mei-
ster gebraucht / Doch wenig bes-
serung darzu bekommen / Sondern von tag zu tag
Ihe lenger Ihe mehr am leib abgenommen / Vnd in
diesem (ohne zweifel aus Gottes eingebung) sich
aller massen / beide in Geistlichen vnd Weltlichen
sachen gehalten / als ein fromer Christ / der bald
von dieser elenden Welt zu Gott in das ewig vnd
vnuergenglich leben zu scheiden begerte. Nu was
antrifft die zeitlich sach / so den Leib belangen thut
ist mir als einem Prediger vnbeuust / ist auch vn-
nötig zuerzelen.

Was aber dieses verstorbenē Her-
rens Glaub vnd bekenntnis des heilsamen
vnd heiligen wort Gottes gewesen sey / kan ein je-
der Christliebender aus der selben irer Churfür-
sten gnaden Reformation wol verstehen vnd ab-
nemen / Darauff hochgedachter frommer vnd al-
ter Churfürst vnd Herr sich auch zu offtmalen /
vnd sonderlich / vnd kurtz vor seiner gnaden Gott
seligem ende vnd Christlichem abscheide gezogen
hat / denn etwo vier wochen vor seiner Churfür-
stlichen

A z

stlichen

stlichen Gnaden abscheide / haben ihr Churfürst.
gnaden mich des morgens vmb die neunnde stun-
de zu der selben erfordern ruffen vnd furbeschei-
den lassen / vnd allerley den waren Christlichen
glauben belangendt mit mir gantz Christlich vñ
andechtiglich geredt vnd gesprochen / auch begert
von mir / nach irer Churfürst. gnaden absterben
vnd tod allermenniglich / so solchs begerten / zu
offenbaren / vnd kund zu thun / zuuor aber allen
frommen Christgleubigen / damit sie im rechten
glauben an Ihesum Christum vnsern Erlöser vñ
Seligmacher / durch sein Exempel vnd furgang /
desto mehr zunemen / vnd darinn bis an das ende
verharten. D allmechtiger ewiger Gott / wie kan
ichs alles versehen vnd erzelen / wie bestendig die-
ser Herr vnd Churfürst / hochlößlicher seliger ge-
dechnus / von dem ewigen trost vnd leben geredt
hat. Dergleichen wie er der Welt pracht vnd vp-
pigkeit verschmehet vnd verachtet / auch wie er
mich selbst das mal so gantz ernstlich zu der ge-
dult vnd leiden ermanet / vnd fur dem schweren
Abfall gewarnet / Vnd seind eben dis seiner Chur-
fürst. gnaden wort / zu mir angelanget / vnd ge-
sprochen worden / Seid standhafftig vnd gedul-
tig / der Allmechtig Gott wirds wol versehen /
Desgleichen derjenige der verharret bis ins en-
de / der sol ewig leben / Darauffich geantwort /
Gnedigster Herr / wir müssen bestendig bleiben /
vñ in der schwachheit vnd krankheit gedult vnd lei-
den

den tragen / vnd vns in Gottes hand / Barmher-
zigkeit vnd gewalt ergeben. Sprach vnd antwort
ir Churfürst. gnaden widerumb zu mir / Hoc fac
et uiues. Da gab ich darauff antwort / Das hof-
fe ich durch die gnad des Allmechtigen zu thun.
Widerumb hat ihr gnaden geredt von seinem be-
ruff zum Bischoffenlichen ampt / vnd wie er ein
lange zeit in seiner Regierung nicht anders gedacht
denne ein Bischoff solt nur ein Weltlicher Herr
sein / mit bracht vnd geschafft dieser Welt umb-
gehen / Das aber das ampt eines waren Christ-
lichen Bischoffs were / leren / predigen / verkündi-
gen / vnd seine Kirchen mit gesunder Gottseliger
lere / aus dem wort Gottes versorgen / des beklag-
ten sich ir gnaden weren solchs iren aufferlegten
Ampts ein lange zeit on bewusst gewesen / vnd hat
darnach geredt vnd erzalt / Wie das ir gnaden zu
offtmaln die Cleresey zu Cöllen hat bey einander
versamlen lassen / vnd mit der selben berathschla-
get / wie vnd welcher massen vñ gestalt die schreck-
liche vnd vnausgründliche misbreuche in der Kir-
chen ausgerottet / vnd abgethan werden möch-
ten. Ferner wie etwa ein Reformation zu Cöllen
forgenomen / doch in der rechten lere / vnd heili-
gem wort Gottes vngegründet / Sondern das
mehrer theil / aus Menschen lere bey einander ge-
zogen / In diesem allen hab der Allmechtige ewig
Gott aus lauter güte vnd Barmhertzigkeit seinen
heiligen Geist vnd gnad mit der zeit reichlicher mit
A 3 getheilet /

getheilet / Also das ihr gnaden ein mal inn seinen
alten tagen / ein einfeltigs bedenccken Christlicher
Reformation aus dem heiligen wort Gottes /
durch etliche Gottsfürchtige menner hette stellen
lassen / Welche Reformation in dem Druck aus-
gangen / vnd also der gantzen Welt offenbar /
auff dis irer gnaden bekenntnis / sampt der Aug-
spurgischen Confession er auch gedacht mit gna-
den zu leben vnd zu sterben. Vnd wenn jr gnaden
hinab gen Rhode oder gen Buschouen zügen /
vnd daselbst tödlich krank würden / vnd keinen
sondern Predicanten oder Kirchendiener in der eil
nicht bekommen möchten / So solte doch dieses /
wie oben erzalt / vnd angezeigt / irer C. G. bekennt-
nis in glaubens sachen sein vnd bleiben / Im fall
aber der liebe Gott also schicket vnd füget / das ihr
gnaden allhie zu Wied krank vnd schwach wür-
den / wolt ihr gnaden mich bey zeiten fordern las-
sen / vnd als denn solt ich seine C. G. etliche Trost-
sprüch aus dem heiligen Euangelio kürtzlich fur-
halten / Als in sonderheit Johannis am 3. vnd 5.
Capitel / Der glaubt in den Son Gottes. Item
ich solt irer gnaden den Glauben langsam vñ mit
gütem verstand fursprechen / Auch wolten jr gna-
den das hochwürdig Sacrament des waren leibs
vnd bluts vnser Erlösers Ihesu Christi nach der
einsetzung seines thewren worts entpfangen.

Das ist eigentlich vnd warhafftig / das ge-
sprech gewesen / So der alte Herr vnd Churfürst
dis

bismal mit mir gehalten / vnd geredt hat / Bin al
also wie ich gewönlich pflegen / von irer C. G. gan
gen vnd gesprochen / Dominus custodiat uos Reue
rendissime domine. Dis geschach den 16. Julij.

DEn sechsten Augusti aber nach
mittags vmb die vierde stunde / ist jr C. G.
schwach worden / Die krankheit vnd schwachheit
aber hat in wenig tagen sehr zugenomen / Das jr
Churfürst. Gnaden nicht wol nach viel geredt /
ausgenomen / ja vnd nein / vnd sonst noch etlich
wenig wort / Also das man fur gut angesehen
hat / mit irer C. G. aus Gottes wort etwas tröst
lichs furzubalten. Ward ich derhalben von seiner
C. G. diener einen beruffen / inn das Gemach / da
jr C. G. krank lage / so bald ich hinein kam / vnd
mich der Herr sehr anstarret / hab ich angefan
gen seine C. G. zu trösten / mit vielerley spruch aus
der heiligen Schrift / Als Johannis am 3. Capit
tel / Sic dilexit Deus mundum. Also hat Gott die
Welt geliebet etc. am 5. Capitel / Qui credit in me.
Der in mich gleubt / etc. am 11. Ego sum resurrectio
& uita. Ich bin die Auferstehung vnd das Leben.
Desgleichen aus der Epistel Pauli zu den Rö
mern am 8. Capitel / Deus est qui iustificat, &c. Gott
ist der gerecht macht. 1. Johannis 3. capit. Sehet
was grosser lieb hat vns etc. Vnd darnach ge
fragt / ob ihr C. G. mich auch verstehen kündten /
Darauff

Darauff sein C. G. geantwort / ja / Ferner hab ich
gefragt / ob ihr C. G. dis alles / so ich derselben aus
Gottes wort vorhielte / gantzlich vnd fest im her-
tzen glaubte / vñ ob er sich lassen wolt mit dem hei-
ligen Nachtmal des D. Ern berichten / Darauff
ihr C. G. ihr hand auffgehoben / vnd sprach ja /
Darauff bin ich aus dem gemach gangen / Brod
vnd Kelch zu dem heiligen Nachtmal nötig ver-
schaffet / vnd nach kurtzem bericht. / so ich mit irer
C. G. allein in der Kammer gethan / wider allein
in die Kammer komen / vnd gefragt / ob ir C. G.
von hertzen des Nachtmals begerten / Darauff
seine C. G. noch wie vor gesprochen ja / Daben al-
so angefangen / Brod vnd Wein zugericht / vnd
die wort vom Nachtmal laut gesprochen / sampt
einem Christlichen Gebet / welchs sie auch alle
mit gebeugten Knien / vnd zum theil mit nassen
Augen gethan / Darauff hat er der alter Werre
das hochwirdige Nachtmal entpfangen / vnd sel-
best den Kelch inn sein hand genommen / vnd mit
guter mus daraus getruncken / Darnach mit den
Augen hinauff gesehen vñ geseufftzet / Nach dem
hab ich widerumb inn beysein des wolgebornen
Herren Johans Grassen zu Wied / etc. vort ge-
meinlich alle des alien Herren diener vnd umb-
stender / Klein vnd gros / zur hertzlichen dancks-
gung / welchs auch wie vor in aller massen gesche-
hen / ermant.

Von dieser

In dieser zeit an / bis zum ende /
bin ich fast nacht vnd tag / aus vnd ein zu
jrer C. G. gangen / viel tröstlicher sprüch / beide aus
dem alten vnd newen Testament furgehalten / vñ
furgesprochen / zum offtermal gefraget / Ob er
es auch verstünde / Darauff alle mal geantwort /
Ja / Auch mit seiner C. G. hand mir die meine
gedruckt / Auch hat jhr C. G. zum offtermal alle
Diener jemerlich angesehen / vnd wenn die selbi-
gen etwas fragten / noch mit Nein vnd Ja beant-
wort. Desgleichen mit der hand gedeutet / den
Dienern / so bey jrer C. G. waren / vnd jre hende
auff dem Beth hatten liegen / jr hende in die seine
genommen / vnd gedruckt. Ober das als die frantz-
heit vnd schwachheit jhe lenger vnd grösser ward /
bin ich steter weis mit den Dienern bey jrer C. G.
im gemach blieben / immerdar mit dem heilsamen
Wort Gottes angehalten zu trösten / widerumb
viel sprüch aus der heiligen Schrifft furgehalten
Welche jr C. G. aus grund jres hertzen gantz ger-
ne gehort / Dis geschach den 14. Augusti des mor-
gens zu 7. vhren.

In die acht vhren aber / bin ich
aus rath wolgeborens meins gnedigen
Herren / Graffen Johans / vnd der Diener im
Schlos / auff die Cantzel getretten / vnd das hei-
lig

lig Euangelion vom tag (denn es was Sonntag)
furgelesen / auff sehr kurtze Summarische weis /
erklert / vnd darnach abermal ein Christlich vnd
ernstlich Gebet fur den alten Francken Churfür-
sten vnd Herren zuthun begert / Dis Gebet ge-
schach (wie ich hoffen) gantz ernstlich von from-
men guten leuten / beide hohen vnd nidern stands
Darnach seind die Diener / vnd ich / mit wider inn
das gemach gegangen / hab ich abermals den al-
ten Herren mit der heiligen Schrift getröst / vnd
ermanet / Ritterlich im rechten waren vnd festen
glauben zu streitten / vnd das er sich allein auff
Ihesum Christum vnsern Seligmacher vnd Er-
löser verliesse / vnd auff seinen bitteren tod am Creu-
tze trawet / vnd bawet / vnd das er fest gleubte /
das weder Sünd / Todt noch Teufel / kein gewalt
an ihm haben sollen / Darnach gefragt / ob ers
auch verstünde / das er als denn mir darauff ein
zeichen geben wolle. Da hub er seine hand auff /
vnd sprach / doch gantz krencklich / Ja.

In dieser Nacht / welche war von
dem vierzehenden Augusti / bis auff den 15.
desselben Monats / ist der alte Herr vber die mas-
schwach gewesen / Das ich vnd die Diener alle
stund des seligen abschiedts warten waren.

Nach

Nach dieser Nacht hab ich ange-
fangen / ihr Churfürst. Gnaden mit irem
Taufnamen zu nennen / vnd Gnedigster Werd
vnd Gnad ausgelassen / Noch wie vor alles ge-
tröstet / mit der heiligen Schrift / vnd gesprochen
sehr offtmal / **O** Werman Werman / streit jetzund
Kitterlich / vnd bleib fest im glauben / vñ vertram
en zu Gott / auff den verdienst seines einigen So-
nes Ihesu Christi / vnser ewigen Erlösers / vnd
Seligmachers / Vnd abermal vmb die achte stun-
de / des morgens / hielt ich ime den glauben fur /
vnd sprach / **O** Werman nim zu hertzen den rech-
ten Glauben / den ich dir inn diesem deinen letzten
streit furhalte / Da sprach vnd erzalt ich den glau-
ben drey mal / von wort zu worten / Item ich er-
mant inen der wort Christi / da er spricht / Qui
credit in me non morietur in aeternum. Das ist / Wer
inn mich gleubt / wird inn Ewigkeit nicht sterben.
Item / Pater in manus tuas commendo spiritum me-
um. **O** himlischer Vater / inn deine hend befehle
ich meinen Geist / Diese zween Sprüch hielt ich
im fünff mal fur / In diesem ward der ohtem sehr
kurtz / doch hatte er noch guten verstand / Aber-
mal sind wir bey dem beth nidergefallen auff vnse-
re knien / in beisein wolgemelte Graffen Johans /
D. Johan Echten / **D.** Jacobs Ebels / vñ ein an-
zal von dienern / vngeferlich 14. Personen / vñ mit
seufftzē ernstlich zu Got dē himlischen vater durch
Ihesu Christi

Christum seinen geliebten Son geruffen / vmb ein
seliges ende / Darnach nam ich seine hand inn die
meine / rufft ihm den rechten Glauben mit heller
vnd lautbarer stimme langsam vor / vnd darnach
Pater in manus tuas commendo spiritum meum. Va-
ter inn deine hende befehle ich meinen Geist / So
bald aber dis wort aus was / verschiede der alter
vnd frommer Herr vnd Vater / des morgens aus
diesem sammerthal zu neun vhren / gantz Christ-
lich vnd rewlich. Darnach geschach ein dancksa-
gung von allen vmbstendern zu Gott.

DES zwayten tages darnach / am
Mitwochen den 17. Augusti / vmb die ze-
hen vhren vor mittage / Ist der tod leichnam von
Wied gen Niederbieuern / inn derselben Graffen-
schafft gelegen / mit einem Wagen gefahren / vnd
ist der wolgeborn Herr / Herr Johan / Graffe zu
Wied / Herr zu Runkel vñ Istemberg etc. sampt
ihrer G. Ehegemahel / meiner gnedigen Frauen
sampt irer gnedig. Frauen zuuor den todten leich-
nam des verstorbenen Herrens. Des gleichen des-
selben Diener alle damals gegenwertig mit wol-
gemelts Graffe Johans Hoffgesinde in die Kir-
che zu Biuern nach gefolgt / daselbst predig gehö-
ret / Welche Predig von mir geschehen ist / genom-
men aus der ersten Episteln S. Pauli zu den Thes-
salonichern am 4. cap. Fratres nolumus uos ignorare:
de dor-

de dormientibus &c. Lieben Brüder / Wir wollen
euch nicht verhalten / von den die da schlaffen etc.
Nach der Predigt aber den todten Körper des al-
ten Herren Christlich / vnd one aberglaub zur er-
den bestertigt / mit etlichen Christlichen gesungen /
Vnd also von dannen im Namen des Herrn ge-
scheiden.

Sis alles ist warhafftig also gesche-
hen / vnd ist gar kein lügen darinn / Ich selb-
best hab es auch auff das aller einfeltigst beschrei-
ben wollen / vnd die wort so der alte frome Herr
vor seiner krankheit / auch in seiner krankheit mit
mir vnd andern in meinem beywesen geredt hat /
auch die zeichen die er mit henden vñ augen gedeut-
tet / aller ding also gesetzt / wie sie warhafftig ge-
schehen sein / Dis zu gezeuge nem ich zuuor den
Allmechtigen Gott / durch seinen Son Ihesum
Christum.

Der Allmechtige Gott wölle vns auch sampt
dem Körper des frommen verstorbenen Herren /
geben ein frölich auferstendnus zum ewigen Le-
ben / Amen.

Johan von Allstorp / Pre-
dicant zu Wied.



Gedruckt zu Leipzig durch Wolff
Günther / Bey Sanct
Niclaus.

M. D. LIII.




QXT 3492

XII 12 143

me





B.I.G.

Farbkarte #13

Blue

Cyan

Green

Yellow

Red

Magenta

White

3/Color

Black

II n
3492

ffter vnd be-
ht von dem Christli-
igem abschiede aus diesem
den auff Erden/des Nochs-
ern/ Herrn Hermans
en zu Cölln vnd Thur
Anno 1552 den
sti/des morgens
die Neundte
stunde.

Johan Allstorffen
des worts Gottes zu
artzlich begriffen.



BIBLIOTHECA
MICKAVIANA